



ЎЗБЕКИСТОН РЕСПУБЛИКАСИ ПРЕЗИДЕНТ ТАЪЛИМ МУАССАСАЛАРИ АГЕНТЛИГИ

ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИ ҲУЗУРИДАГИ ТАЪЛИМ СИФАТИНИ НАЗОРАТ ҚИЛИШ ДАВЛАТ ИНСПЕКЦИЯСИНинг

ҚАРОРИ

**Президент таълим муассасалари агентлиги тизимидағи ижод мактаблари
раҳбар кадрларининг салоҳияти, бошқарув маҳорати ва
ташаббускорлигини баҳолаш тұғрисида**

Ўзбекистон Республикаси Президентининг “Президент, ижод ва ихтисослаштирилган мактаблар фаолиятини янада такомиллаштириш бўйича қўшимча чора-тадбирлар тұғрисида” 2021 йил 19 июлдаги ПҚ-5188-сон қарорига мувофиқ Ўзбекистон Республикаси Президент таълим муассасалари агентлиги ва Вазирлар Маҳкамаси ҳузуридаги Таълим сифатини назорат қилиш давлат инспекцияси қарор килади:

1. Ўзбекистон Республикаси Президентининг 2021 йил 19 июлдаги ПҚ-5188-сон қарори билан тасдиқланган Президент таълим муассасалари агентлиги тизимидағи ижод мактаблари фаолиятини самарали ташкил бўйича “йўл харитаси”га асосан Президент таълим муассасалари агентлиги (кейинги ўринларда Агентлик деб юритилади) тизимидағи ижод мактаблари раҳбар кадрларининг салоҳияти, бошқарув маҳорати ва ташаббускорлигини ўрганиб, уларнинг лавозимига лойиқлигини кўриб чиқиш белгиланганлиги маълумот учун қабул қилинсин.

2. Агентлик тизимидағи ижод мактаблари раҳбар кадрлари (кейинги ўринларда баҳоланувчилар деб юритилади) салоҳияти, бошқарув маҳорати ва ташаббускорлигини ўрганиб, уларнинг лавозимига лойиқлигини кўриб чиқиш Агентлик директори томонидан тасдиқланган жадвал асосида амалга оширилсин.

3. Куйидагилар:

Президент таълим муассасалари агентлиги тизимидағи ижод мактаблари раҳбар кадрларининг салоҳияти, бошқарув маҳорати ва ташаббускорлигини баҳолаш (кейинги ўринларда баҳолаш деб юритилади) тартиби тұғрисидаги низом 1-иловага мувофиқ;

Президент таълим муассасалари агентлиги тизимидағи ижод мактаблари раҳбар кадрларининг салоҳияти, бошқарув маҳорати ва ташаббускорлигини

баҳолаш комиссияси (кейинги ўринларда баҳолаш комиссияси деб юритилади) таркиби 2-иловага мувофик;

Президент таълим муассасалари агентлиги тизимидағи ижод мактаблари раҳбар кадрларининг салоҳияти, бошқарув маҳорати ва ташаббускорлигини баҳолаш бўйича эксперт гуруҳи таркиби 3-иловага мувофик;

Президент таълим муассасалари агентлиги тизимидағи ижод мактаблари раҳбар кадрларининг салоҳияти, бошқарув маҳорати ва ташаббускорлигини баҳолаш натижалари юзасидан берилган мурожаатларни кўриб чиқиш бўйича апелляция комиссияси таркиби 4-иловага мувофиқ тасдиқлансан.

4. Белгилаб қўйилсинки, баҳолаш комиссияси томонидан баҳоланувчининг фаолияти қониқарсиз эканлиги тўғрисида берилган хулоса ходимнинг малакаси етарли эмаслигини тасдиқловчи далиллардан бири ҳисобланади ҳамда иш берувчи томонидан ходим билан тузилган меҳнат шартномасини Ўзбекистон Республикаси Меҳнат кодексининг 100-моддаси иккинчи қисмининг 2-бандига асосан меҳнат қонунчилигига белгиланган тартибда бекор қилиш учун асос бўлади.

5. Баҳолаш комиссияси (А.Абдуллаев):

баҳоланувчиларнинг фаолиятини баҳолаш жараёнини ўтказиш санаси ва жойи тўғрисидаги маълумотларни баҳолаш комиссияси аъзоларига ҳамда баҳоланувчиларга баҳолаш жараёни ўтказилишидан бир ой олдин етказиш, Агентликнинг расмий веб-сайти орқали эълон бериш;

баҳоланувчиларнинг билим ва кўнимкаларини баҳолаш жараёни адолатли, холисона ва шаффоғ ўтказилишини таъминлаш;

баҳоланувчиларнинг ўз лавозимига лойик ёки лойик эмаслиги тўғрисида Агентлик директорига асослантирилган таклиф киритиш;

баҳолаш натижаларига кўра фаолияти қониқарсиз деб топилган, шунингдек, баҳолаш жараёнига узрли сабабларсиз қатнашмаган баҳоланувчиларга нисбатан меҳнат қонунчилигига мувофиқ чоралар кўрилиши юзасидан таклифлар бериш чораларини кўрсин.

6. Агентликнинг Оммавий ахборот воситалари ва жамоатчилик билан алоқалар бўлими (Д.Собирова)га баҳолаш жараёнларини ўтказиш санаси ва тартиби тўғрисида оммавий ахборот воситалари, ижтимоий тармоқларда, шунингдек, Агентликнинг веб-сайтида давлат тили ва рус тилида эълон бериш, баҳолашни ўтказиш билан боғлиқ тадбирларни кенг ёритиш тавсия этилсин.

7. Агентликнинг Ахборот-коммуникация технологиялари бўлими (Р.Мусурмонов) баҳолаш жараёнларини Интернет жаҳон ахборот тармоғи (youtube.com) орқали онлайн трансляция қилинишини таъминласин.

8. Агентликнинг Ташкилий назорат ва мурожаатлар билан ишлаш бўлими (Х.Усманов), Таълим инспекциясининг Ижро интизомини назорат қилиш, жисмоний ва юридик шахсларнинг мурожаатлари билан ишлаш бўлими (Ж.Мусурмонов) бир кун муддатда мазкур карорни барча манфаатдор шахслар эътиборига етказсин.

9. Мазкур қарорнинг бажарилишини назорат қилиш Президент таълим муассасалари агентлиги директори ўринбосари А.Абдуллаев ва Вазирлар Маҳкамаси хузуридаги Таълим сифатини назорат қилиш давлат инспекцияси бошлигининг биринчи ўринбосари Х.Кетмонов зиммасига юклатилсин.

Президент таълим муассасалари
агентлиги директори

Тошкент ш.
2021 йил 22 09,
110-сон



Х.Умарова

Вазирлар Маҳкамаси хузуридаги
Таълим сифатини назорат қилиш
давлат инспекцияси бошлиғи

Тошкент ш.
2021 йил 22 09,
27-сон



У.Ташкенбаев

Бандлик ва меҳнат муносабатлари
вазири

2021 йил 22 09

Келинчилган:

Н.Хусанов

Президент таълим муассасалари агентлиги
ва Вазирлар Маҳкамаси хузуридаги Таълим
сифатини назорат қилиш давлат
инспекциясининг
2021 йил 22.09 даги
110 ва 27-сон қарорига
1-ИЛОВА

**Президент таълим муассасалари агентлиги тизимидағи ижод
мактаблари раҳбар кадрларининг салоҳияти, бошқарув маҳорати ва
ташаббускорлигини баҳолаш тартиби тұғрисидаги
НИЗОМ**

Мазкур Низом Президент таълим муассасалари агентлиги тизимидағи ижод мактаблари раҳбар кадрларининг (кейинги үринларда – баҳоланувчилар) салоҳияти, бошқарув маҳорати ва ташаббускорлигини баҳолаш тартибини белгилайди.

1-боб. Умумий қоидалар

1. Баҳоланувчиларнинг салоҳияти, бошқарув маҳорати ва ташаббускорлигини баҳолаш (кейинги үринларда – баҳолаш) бир марталик характерга эга бўлиб, Президент таълим муассасалари агентлиги (кейинги үринларда – Агентлик) директори томонидан тасдиқланадиган жадвал асосида ўтказилади.

2. Баҳоланувчиларни баҳолаш жараёни ошкоралик, кенгашиб иш кўриш, холислик, teng ҳуқуқлилик, шаффоффлик тамойиллари асосида ташкил этилади.

3. Баҳоланувчилар сифатида қуидаги раҳбар кадрлар баҳолаш жараёнларига жалб этилади:

директор;

ўкув ишлари бўйича директор үринбосари;

маънавий-маърифий ишлар бўйича директор үринбосари;

ихтисослаштирилган фанлар бўйича директор үринбосари;

4. Баҳоланувчиларни баҳолаш жараёнини ўтказиш санаси ва жойи тұғрисидаги маълумотлар ҳамда баҳолаш юзасидан саволнома баҳолаш жараёни ўтказилишидан бир ой олдин баҳоланувчиларга маълум қилиниб, Агентликнинг расмий веб-сайти орқали эълон берилади.

5. Агентлик баҳоланувчиларнинг баҳолаш ҳамда уларнинг сифат таркибини қайта кўриб чиқиш жараёнини ташкил этишга масъул ҳисобланади.

2-боб. Баҳолашнинг мақсади ва вазифалари

6. Баҳоланувчиларни баҳолашдан мақсад ижод мактабларининг раҳбар лавозимларини мамлакатимизда, хусусан, таълим тизимида кечаетган ислоҳотларни тушунадиган, малакали, фаол ва ўзгариш қилишга қодир бўлган кадрлар билан таъминлашдан иборат.

7. Баҳоланувчиларни баҳолашнинг асосий вазифалари қуидагилардан иборат:

Агентлик тизимидағи ижод мактаблари фаолиятини такомиллаштириш, юқори малакали раҳбар кадрлар билан таъминлаш ва уларнинг фаолиятини баҳолаш;

Агентлик тизимидағи ижод мактаблари раҳбар кадрларининг фаолияти самарадорлигини ҳамда масъулиятини ошириш;

баҳолаш натижаларига асосан Агентлик тизимидағи ижод мактаблари раҳбар кадрларининг лавозимига лойиқлигини кўриб чиқиш.

3-боб. Баҳолашни ташкил этиш ва ўтказиши

8. Баҳоланувчиларни баҳолаш жараёнига қуидагилар жалб этилмайди:

ҳомиладорлик ва туғиши таътилидаги аёллар ҳамда бола парваришилаш таътилидаги ходимлар;

лавозимга ишга қабул қилинганига ёки бола парваришилаш таътилидан қайтганига бир йил тўлмаган ходимлар;

баҳоланувчиларнинг лавозим мажбуриятлари зиммасига вақтинча юклатилган ходимлар;

мехнатга лаёқатсизлик даврида бўлганлар.

9. Баҳоланувчиларни баҳолаш Агентлик ва Вазирлар Маҳкамаси хузуридаги Таълим сифатини назорат қилиш давлат инспекцияси (кейинги ўринларда – Таълим инспекцияси) томонидан тасдиқланадиган Агентлик тизимидағи ижод мактаблари раҳбар кадрларининг салоҳияти, бошқарув маҳорати ва ташаббускорлигини баҳолаш комиссияси (кейинги ўринларда – баҳолаш комиссияси) томонидан амалга оширилади.

Баҳолаш комиссияси 9 кишидан иборат бўлиб, аъзоларининг ярмидан кўпи иштирок этса, комиссия мажлисининг ўтказилиши қонуний ҳисобланади.

10. Баҳолаш комиссиясининг фаолиятига кўмаклашиш мақсадида Агентлик тизимидағи ижод мактаблари раҳбар кадрларининг салоҳияти,

бошқарув маҳорати ва ташаббускорлигини баҳолаш бўйича эксперт гуруҳи (кейинги ўринларда – эксперт гуруҳи) ташкил этилади.

Эксперт гуруҳининг таркиби Агентлик ва Таълим инспекцияси томонидан тасдиқланади.

Заруриятга кўра, эксперт гуруҳи ишининг самарадорлигини ошириш учун унинг фаолиятига бошқа мутахассислар ҳам жалб этилиши мумкин.

11. Баҳоланувчиларнинг ҳар бири алоҳида ҳужжатлар жамланмасини (портфолио) тайёрлайди ва эксперт гурухига тақдим қиласди.

Ҳужжатлар жамланмаси (портфолио)га қўйидагилар киради:

маълумотнома-объективка;

паспорт, меҳнат дафтарчаси, олий маълумот тўғрисидаги ҳужжатлари, малака тоифаси, илмий даражаси ва илмий унвони (агар бўлса) тўғрисидаги, қайта тайёрлашдан ўтганлиги ва малака оширганлиги тўғрисидаги гувоҳнома (сертификат) нусхалари;

сўнгги бир йилда нашр этилган илмий, ўқув-методик ишлари, мақолалари ва ихтиrolарининг муаллиф имзоси қўйилган рўйхати;

баҳоланувчининг бевосита раҳбарлигига охирги бир йилда бажарилган ўқув-методик, илмий, маънавий-маърифий ва ташкилий-техник ишлар ҳисоботи;

меҳнат фаолияти давомида амалга оширган ишлари, эришган натижалари, меҳнати самарадорлиги, иш тажрибаси ҳамда таълим жараёнларини ташкил этиш юзасидан охирги бир йиллик фаолиятига доир маълумотлар;

Агентлик тизимида ижод мактабини ривожлантириш бўйича З йиллик истиқболдаги режалари тўғрисидаги қисқача маълумоти.

Ҳужжатлар жамланмасида (портфолио) баҳоланувчининг эгаллаб турган лавозими малака талабларига мос эмаслиги ёки нотўғри маълумотлар ва қалбаки ҳужжатлар аниқланган тақдирда, баҳоланувчини баҳолаш жараённинг ҳар қандай босқичидан четлаштирилади ҳамда “эгаллаб турган лавозимига лойиқ эмас” деб ҳисобланади.

12. Баҳоланувчиларни баҳолаш жараёни икки босқичда ташкил қилинади.

13. Биринчи босқичда баҳоланувчининг лавозимига қўйилган малака талабларига мувофиқлиги, охирги бир йил давомида баҳоланувчининг ўз ваколатига кирувчи масалалар бўйича ишларни муддатида ва сифатли бажарганлиги, фаолият олиб бораётган ижод мактабининг ривожланиш динамикаси, баҳоланувчининг бевосита раҳбарлигига ёки унинг ташаббуси

билин амалга оширилган ўкув-услубий, ташкилий-техник, илмий, маънавий-маърифий ва тарбиявий ишлар бўйича фаолияти ўрганилади.

14. Эксперт гурухлари томонидан баҳоланувчининг меҳнат фаолиятига оид хужжатлар жамланмаси (портфолио), ижод мактабини ривожлантириш бўйича амалга оширган ишлари, эришган натижалари, меҳнати самарадорлиги, бошқарувни ташкил этиш юзасидан охирги бир йиллик фаолиятига доир маълумотлар, касбий ва раҳбарлик фаолияти, расмий хужжатлар, унинг фаолияти юзасидан тўпланган материаллар, фотосуратлар, видеотасвирлар, ҳисоботлар, рағбатлантирилганлигини тасдиқловчи хужжатлар ўрганилади, таҳлил қилинади ҳамда мазкур Низомга 1-иловага мувофиқ баҳолаш мезонлари асосида баҳоланади.

Баҳоланувчининг балли мазкур Низомга 2-иловага мувофиқ баҳоларни қайд этиш варақасига эксперт гурухлари ҳар бир аъзосининг алоҳида қўйган баллари ўртачасидан келиб чиқиб аниқланади.

15. Биринчи босқич учун умумий 40 балл берилади, умумий баллнинг 56 фоизи (22,4 балл) ва ундан юқори балл тўплаган баҳоланувчилар иккинчи босқичдан ўтган ҳисобланади.

16. Иккинчи босқичда баҳоланувчиларнинг соҳага оид норматив-хуқуқий хужжатларни қай даражада билиши, жаҳон ва республика миқёсидаги таълим тизимига оид янгиликлардан хабардорлиги, касбий, лавозим мажбуриятлари ва фаолиятини ташкил этиши бўйича баҳолаш комиссиялари томонидан сухбат ўтказилиб, сухбат жараёнида аввалдан тақдим этилган саволнома асосида баҳоланувчиларга билет асосида учтадан савол берилади ҳамда мазкур Низомга 3-иловага мувофиқ баҳолаш мезонлари асосида баҳоланади.

Берилган саволларга тўлиқ жавоб олиш мақсадида баҳоланувчига кўшимча саволлар берилиши мумкин.

Баҳоланувчининг балли мазкур Низомга 4-иловага мувофиқ баҳоларни қайд этиш варақасига баҳолаш комиссияси ҳар бир аъзосининг алоҳида қўйган баллари ўртаchasидan келиб чиқиб аниқланади.

17. Иккинчи босқич учун умумий 60 балл берилади, умумий баллнинг 56 фоизи (33,6 балл) ва ундан юқори балл тўплаган баҳоланувчилар иккинчи босқичдан ўтган ҳисобланади.

18. Икки босқич бўйича умумий баллар йиғиндиси 100 баллни ташкил қиласди. Икки босқич натижалари бўйича умумий 55 ва ундан юқори балл тўплаган баҳоланувчилар баҳолашдан муваффақиятли ўтган ҳисобланади.

Босқичларнинг бирортаси бўйича белгиланган умумий баллнинг 55 фоизидан кам балл тўплаганлар баҳолашдан ўтмаган ҳисобланади.

19. Иккинчи босқични ўтказиш жараёнида баҳоланувчиларга қуидагилар тақиқланади:

уяли телефон, бошқа алоқа ва телекоммуникация воситалари, китоб ҳамда шпаргалкалардан фойдаланиш;

бошқа баҳоланувчилар билан сұхбатлашиш;

баҳоланувчиларга баҳолаш натижаси эълон қилинмагунча баҳолаш комиссияси раисининг рухсатисиз хонадан ташқарига чиқиш.

Баҳоланувчиларнинг мазкур қоидага амал қилмаслиги уни баҳолаш жараёнида қатнашишдан четлаштириш учун асос бўлади. Ушбу ҳолатда масъул котиб томонидан мазкур Низомнинг 5-иловасига мувофиқ шаклда далолатнома расмийлаштирилади ва баҳолаш комиссияси аъзоларининг камида уч нафари томонидан имзоланади.

20. Сұхбат жараёни шаффоффлик ва холисликни таъминлаш мақсадида узлуксиз равишда овозли видеоёзувга туширилади, видеотасвир Агентликда уч йил мобайнида сақланади.

21. Баҳолаш комиссияси икки босқич бўйича эксперт гурӯхлари томонидан қўйилган баллар ва сұхбат жараёни натижаларига асосланиб, баҳоланувчиларга нисбатан “эгаллаб турган лавозимиға лойиқ” ёки “эгаллаб турган лавозимиға лойиқ эмас” деган қарорлардан бирини қабул қиласди.

22. Форс-мажор ва фавқулодда ҳолатлар, шунингдек пандемия муносабати билан карантин қоидалари амал қилиш даврида ҳужжатларни қабул қилиш ва баҳоланувчиларни баҳолаш масофадан туриб (онлайн шаклда) амалга оширилиши мумкин.

23. Баҳолаш комиссиясининг қарорлари унинг мажлисида комиссия аъзоларининг ярмидан кўпи иштирок этганда ваколатли ҳисобланади.

24. Баҳоланувчиларни баҳолаш жараёнига ёки унинг бирорта босқичига узрли сабабга (асослантирувчи ҳужжатлар, меҳнатга лаёқатсизлик варақаси, баҳоланувчиларнинг тушунтириш хати, юқори турувчи раҳбарнинг маълумотномаси) кўра келмаган бўлса, баҳоланувчини баҳолаш жараёни бошқа муддатга кўчирилади. Бунда келмаслик сабаблари бартараф этилган пайтдан бошлаб 3 иш куни ичida баҳоланувчи дарҳол белгиланган тартибда баҳолаш жараёнидан ўтказилади.

25. Баҳоланувчилар баҳолаш жараёнида узрсиз сабабга кўра иштирок этмаган бўлса, шунингдек, баҳоланувчи далолатнома асосида баҳолаш жараёнидан четлаштирилган бўлса, баҳолаш комиссияси томонидан унга

нисбатан “эгаллаб турган лавозимиға лойиқ әмас” деган қарор чиқарилиши учун асос бўлади.

26. Баҳолаш комиссиясининг қарори баённома шаклида мазкур Низомнинг 6-иловасига мувофиқ расмийлаштирилади ҳамда комиссия раиси (у бўлмаганди баҳолаш комиссияси раиси ўринбосари) ва котиб томонидан имзоланади. Баённомаларнинг асли Агентликда бир йил муддат сақланади.

27. Баҳолаш комиссиясининг қарори мазкур Низомнинг 7-иловасига мувофиқ шаклдаги баҳолаш варақасига қайд этилади ва комиссия раиси, унинг ўринбосари, котиб ва баҳолаш комиссиясининг мажлисида иштирок этган аъзолари томонидан имзоланади. Баҳолаш варақаси баҳоланувчиларнинг шахсий хужжатлар жамланмасига (портфолиога) тикиб қўйилади.

28. Баҳолаш комиссиясининг “эгаллаб турган лавозимиға лойиқ әмас” деган қарори асосида баҳоланувчига паст лавозимдаги маълумоти ва мутахассислигига мос бўлган бўш иш ўрни таклиф этилади, агар шундай иш ўрни мавжуд бўлмаса, у билан тузилган меҳнат шартномаси иш берувчи томонидан меҳнат қонунчилигида белгиланган тартибда бекор қилинади.

4-боб. Баҳолаш жараёни натижалари юзасидан мурожаатларни қўриб чиқиш тартиби

29. Баҳоланувчиларни баҳолаш жараёни натижалари юзасидан берилган мурожаатларни қўриб чиқиш учун апелляция комиссияси ташкил этилади. Апелляция комиссияси 5 кишидан иборат таркибда Агентлик ва Таълим инспекцияси томонидан тасдиқланади.

30. Апелляция комиссиясига бошқа ташкилотлардан мутахассислар жалб этилиши мумкин. Апелляция комиссияси ишида аъзоларнинг ярмидан кўпи иштирок этган тақдирда ваколатли ҳисобланади. Баҳолаш комиссияси аъзолари апелляция комиссияси таркибига киритилмайди.

31. Баҳолаш комиссияси қароридан норози бўлган баҳоланувчи баҳолаш жараёни натижалари эълон қилинган кундан бошлаб уч кун мобайнида апелляция комиссиясига ёзма ёки электрон равишда мурожаат қилиши мумкин.

32. Мурожаатлар рўйхатга олинган санадан бошлаб ўн беш кун мобайнида қўриб чиқилади

33. Апелляция комиссиясига мурожаат қилган баҳоланувчилар уларнинг мурожаати қўриб чиқилган кундан бошлаб уч кун ичидаги мурожаати қўриб чиқилганлиги тўғрисида хабардор қилинади.

34. Апелляция комиссияси баҳолаш жараёнини ўтказиш тартиблари бузилмаганлиги түғрисида ёки тартиб бузилган деб топилган тақдирда, мурожаат қилган баҳоланувчини мазкур Низом талаблари асосида биринчи ва иккинчи босқичда қўйилган балларга қўшимча қўшиш түғрисида якуний қарор қабул қилиши мумкин.

Баҳоланувчининг мурожаати апелляция тартибида бир мартадан ортиқ кўриб чиқилишига йўл қўйилмайди.

5-боб. Якуний қоидалар

35. Баҳоланувчиларни баҳолаш жараёнини ўтказиш билан боғлик меҳнат низолари амалдаги қонун хужжатларида белгиланган тартибда кўриб чиқилади.

36. Баҳолаш комиссияси ёки апелляция комиссияси қарори устидан қонун хужжатларида белгиланган тартибда судга шикоят қилиниши мумкин.

37. Ушбу Низом талабларининг бузилишида айбдор бўлган шахслар қонун хужжатларига мувофиқ жавоб берадилар.

Президент таълим муассасалари агентлиги
тизимидағи ижод мактаблари
раҳбарларининг салоҳияти, бошқарув
маҳорати ва ташаббускорлигини баҳолаш
тартиби тұғрисида низомга
1-ИЛОВА

**Ижод мактаблари раҳбар кадрларининг меҳнат фаолиятига оид ҳужжатлар
жамланмасини (портфолиони) ўрганиш бўйича**
БАҲОЛАШ МЕЗОНЛАРИ

Т/р	Баҳолаш обьекти	Балл
1.	Ижод мактабларида ободонлаштириш ва ташкилотнинг моддий-техника базасини мустаҳкамлашга қаратилган ишлар (замонавий жиҳозлар, компьютер техникиси билан таъминланганлиги, таълимтарбия жараёнини сифатли ташкил этиш учун яратилган шартшароитлар)	5 балл
2.	Норматив-хукукий ҳужжатларнинг жамланганлиги ва ижроси юзасидан амалга оширилган ишлар (норматив-хукукий ҳужжатларнинг педагог ходимларга таништирилганлиги, ижросининг назорати, фуқаролар томонидан келиб тушган мурожаатларнинг ўрганилганлиги)	5 балл
3.	Педагог ходимларнинг салоҳияти (маълумоти, ўз вактида малака оширганлиги, олий таълимга йўналтирилганлиги)	5 балл
4.	Йиллик иш режа ижросининг таъминланганлиги, ижод мактаби нуфузини оширишга, истиқбол режанинг мавжудлиги ва унинг сифати	5 балл
5.	Таълим-тарбия сифатини оширишга қаратилган жараёнлар (ўқув-семинар, методик маслаҳатлар, ота-оналар ва жамоат ташкилотлари ҳамкорлигига ўтказилган тадбирлар, педагогик кенгашлар, таълим жараёнлари кузатуви сифати, илгор иш тажрибаларининг оммалаштирилганлиги)	6 балл
6.	Педагог ходимлар томонидан таълим-тарбия жараёнларида илгор педагогик ва ахборот-коммуникация технологияларидан, замонавий усул ва услублардан фойдаланилиши	5 балл
7.	Ижод мактаби ходимларини ижтимоий муҳофаза қилиш ва моддий рағбатлантириш юзасидан амалга оширилган ишлар	3 балл
8.	Охирги ўқув йили давомида ижод мактабида педагог ходимлари томонидан яратилган қўлланмалар, илмий ишлар, мақолалар, методик комплекслар (машғулотлар)	6 балл
Жами балл		40 балл

***Изоҳ:** Баҳоланувчиларнинг меҳнат фаолиятига оид ҳуёжисатлар жамланмасини (портфолиони) баҳолашда баҳолаш обьектининг қай даражасада бажарилганлигини инобатга олиб, белгиланган баллдан пастроқ балл қўйилиши мумкин.

Президент таълим муассасалари агентлиги
 тизимидағи ижод мактаблари
 раҳбарларининг салоҳияти, бошқарув
 маҳорати ва ташаббускорлигини баҳолаш
 тартиби тұғрисида низомга
2-ИЛОВА

**Ижод мактаблари раҳбар кадрларининг меҳнат фаолиятига оид ҳужжатлар
 жамланмасини (портфолиони) үрганиш бўйича
 БАҲОЛАРНИ ҚАЙД ЭТИШ ВАРАҚАСИ**

Баҳоланувчи: _____

Ижод мактаби номи: _____

T/р	Баҳолаш объекти	Балл
1.	Ижод мактабларида ободонлаштириш ва ташкилотнинг моддий-техника базасини мустаҳкамлашга қаратилган ишлар (замонавий жиҳозлар, компьютер техникаси билан таъминланганлиги, таълимтарбия жараёнини сифатли ташкил этиш учун яратилган шартшароитлар)	
2.	Норматив-хукукий ҳужжатларнинг жамланганлиги ва ижроси юзасидан амалга оширилган ишлар (норматив-хукукий ҳужжатларнинг педагог ходимларга таништирилганлиги, ижросининг назорати, фуқаролар томонидан келиб тушган мурожаатларнинг үрганилганлиги)	
3.	Педагог ходимларнинг салоҳияти (маълумоти, ўз вақтида малака оширганлиги, олий таълимга йўналтирилганлиги)	
4.	Йиллик иш режа ижросининг таъминланганлиги, ижод мактаби нуфузини оширишга, истиқбол режанинг мавжудлиги ва унинг сифати	
5.	Таълим-тарбия сифатини оширишга қаратилган жараёнлар (ўқув-семинар, методик маслаҳатлар, ота-оналар ва жамоат ташкилотлари ҳамкорлигига ўтказилган тадбирлар, педагогик кенгашлар, таълим жараёнлари кузатуви сифати, илгор иш тажрибаларининг оммалаштирилганлиги)	
6.	Педагог ходимлар томонидан таълим-тарбия жараёнларида илгор педагогик ва ахборот-коммуникация технологияларидан, замонавий усул ва услублардан фойдаланилиши	
7.	Ижод мактаби ходимларини ижтимоий муҳофаза қилиш ва моддий рағбатлантириш юзасидан амалга оширилган ишлар	
8.	Охирги ўқув йили давомида ижод мактабида педагог ходимлари томонидан яратилган қўлланмалар, илмий ишлар, мақолалар, методик комплекслар (машғулотлар)	
Жами балл		

Эксперт гурухи аъзоси _____
 (имзо) _____ (Ф.И.О.)

Президент таълим муассасалари агентлиги
тизимидағи ижод мактаблари
раҳбарларининг салоҳияти, бошқарув
маҳорати ва ташаббускорлигини баҳолаш
тартиби тўғрисида низомга
3-ИЛОВА

**Ижод мактаблари раҳбар кадрлари билан
ўтказиладиган сұхбат жараёнини
БАҲОЛАШ МЕЗОНЛАРИ**

Сұхбат жараёнида бериладиган учта саволнинг ҳар бири 20 баллгача қуидагича баҳоланади:

саволнинг жавобини таҳлил қилиб, берилган саволга аниқлик киритиш учун қўшимча саволлар ва изоҳлар талаб қилинмайдиган тарзда, фикрларини турли мисоллар келтириб, манбалари билан асослантирган ҳолда тўлиқ жавоб берса – 20 балл;

саволнинг жавобини таҳлил қилиб, берилган саволга аниқлик киритиш учун қўшимча саволлар ва изоҳлар талаб қилинмайдиган тарзда тўлиқ жавоб берса – 16 балл;

саволнинг жавобини таҳлил қилиб, берилган саволга аниқлик киритиш учун қўшимча саволлар ва изоҳлар талаб қилинадиган тарзда жавоб берса – 12 балл;

саволни таҳлил қила олмаса, берилган саволга мазмунан яқин бўлган қўшимча саволлар ва изоҳлар талаб қилинадиган тарзда қисман жавоб берса – 8 балл;

саволга жавоб берга олмаса, берилган саволга мазмунан яқин бўлган қўшимча саволга жавоб берса – 4 балл;

саволга жавоб берга олмаса, берилган саволга мазмунан яқин бўлган қўшимча саволга ҳам жавоб берга олмаса – 0 балл.

Президент таълим муассасалари агентлиги
тизимидағи ижод мактаблари
раҳбарларининг салоҳияти, бошқарув
маҳорати ва ташаббускорлигини баҳолаш
тартиби тұғрисида низомга
4-ИЛОВА

**Ижод мактаблари раҳбар кадрлари билан
үтказиладиган сұхбат натижаси бўйича
БАҲОЛАРНИ ҚАЙД ЭТИШ ВАРАҚАСИ**

Баҳоланувчи: _____

Ижод мактаби номи: _____

Билет рақами: _____

T/p	Баҳолаш обьекти	Балл
1.	1-савол	
2.	2-савол	
3.	3-савол	
Жами балл		

Баҳолаш комиссияси (раиси, раис ўринбосари, аъзоси) _____
(имзо) _____ (Ф.И.О)

Президент таълим муассасалари агентлиги
тизимидағи ижод мактаблари
раҳбарларининг салоҳияти, бошқарув
маҳорати ва ташаббускорлигини баҳолаш
тартиби тұғрисида низомга
5-ИЛОВА

Баҳолаш жараёнидан четлаштириш ҳақида
ДАЛОЛАТНОМА

Тошкент шаҳри

20 ____ йил « ____ » _____

Биз, қуидида имзо чекувчилар шуни тасдиқлаймизки, баҳоланувчи
куйидаги сабабларга күра

(баҳоланувчининг Ф.И.Ш.)
баҳолаш жараёнидан соат ____ : ____ да четлатилди:

уяли телефон, бошқа алоқа ва телекоммуникация воситалари, китоб
хамда шпаргалкалардан фойдаланди;

бошқа ходимлар билан суҳбатлашди;

баҳолаш жараёни тугамасдан хонадан ташқарига чиқди;

бошқа сабаб _____.

Комиссия аъзоси _____
(имзо) _____ (Ф.И.О.)

Комиссия аъзоси _____
(имзо) _____ (Ф.И.О.)

Комиссия аъзоси _____
(имзо) _____ (Ф.И.О.)

Президент таълим муассасалари агентлиги
тизимидағи ижод мактаблари
раҳбарларининг салоҳияти, бошқарув
маҳорати ва ташаббускорлигини баҳолаш
тартиби тұғрисида низомга
6-ИЛОВА

комиссиясининг ____ йил “___” ____ куни бўлиб ўтган йигилишининг ____-сон
(комиссия номи ёзилади)

ҚАРОРИ

Раислик қилувчи: _____ — комиссия раиси

Иштирок
этганлар: _____

_____ — комиссия раисининг ўринbosари
— комиссия аъзоси
— комиссия аъзоси
— комиссия котиби

T/p	Ижод мактаби номи	Баҳоланувчининг Ф.И.О.	Биринчи босқич натижаси	Иккинчи босқич натижаси	Умумий балл	Баҳолаш комиссиясининг қарори

Комиссия раиси _____

Комиссия раисининг ўринbosари _____

Комиссия котиби _____

Президент таълим муассасалари
агентлиги тизимидағи ижод мактаблари
рахбарларининг салоҳияти, бошқарув
маҳорати ва ташаббускорлигини баҳолаш
тартиби тўғрисида низомга
7-ИЛОВА

(Республика, вилоят, туман, шаҳар номи)

(ташкilot номи)

БАҲОЛАШ ВАРАҚАСИ

(баҳоланувчининг фамилияси, исми, отасининг исми)

Туғилган йили, куни ва ойи

Маълумоти

(иш жойининг номи)

(тамомлаган йили)

Таснифлаш бўйича

(тайёрлов ёки таълим йўналиши, мутахассислиги ёки ихтисоси номи)

Илмий даражаси ёки илмий унвони

Амалдаги лавозими бўйича иш стажи ____ йил ва умумий иш стажи ____ йил; шу жумладан мазкур ташкilotдаги иш стажи ____ йил

Охирги маротаба малакасини оширган вакти

Мукофотлари

Комиссия қарори

(тўлиқ ёзилади)

Комиссия раиси

(фамилияси, исми, отасининг исми)

(имзо)

Комиссия раисининг
ўринбосари

(фамилияси, исми, отасининг исми)

(имзо)

Комиссия раисининг
ўринбосари

(фамилияси, исми, отасининг исми)

(имзо)

Комиссия аъзолари

(фамилияси, исми, отасининг исми)

(имзо)

Комиссия котиби

20 ____ йил “ ____ ”

Танишдим:

(баҳоланувчининг имзоси)

Президент таълим муассасалари агентлиги ва
Вазирлар Маҳкамаси хузуридаги Таълим
сифатини назорат килиш давлат
инспекциясининг
2021 йил 21.09 даги
110 ва 28-сон қарорига
2-ИЛОВА

**Президент таълим муассасалари агентлиги тизимидағи ижод мактаблари раҳбар
кадрларининг салоҳияти, бошқарув маҳорати ва ташаббускорлигини баҳолаш
КОМИССИЯ ТАРКИБИ**

- | | |
|----------------|--|
| 1. А.Абдуллаев | - Президент таълим муассасалари агентлиги директори
ўринбосари, комиссия раиси |
| 2. Б.Тахиров | - Президент таълим муассасалари агентлиги директори
ўринбосари, комиссия раиси ўринбосари |
| 3. Х.Кетмонов | - Таълим сифатини назорат килиш давлат инспекцияси
бошлигининг биринчи ўринбосари, комиссия раиси
ўринбосари |
| 4. Ф.Валиева | - Президент таълим муассасалари агентлиги Ходимлар
билимниятини бўлуми бош мутахассиси, комиссия котиби |

Аъзолар:

- | | |
|--------------------|--|
| 5. С.Аширов | - Президент таълим муассасалари агентлиги Ижод
мактаблари билан ишлаш бўлуми бошлиги |
| 6. Келишув асосида | - Давлат хизматини ривожлантириш агентлиги вакили |
| 7. Келишув асосида | - Таълим сифатини назорат килиш давлат инспекцияси
вакили |
| 8. Келишув асосида | - Бандлик ва меҳнат муносабатлари вазирлиги вакили |
| 9. Э.Каримова | - Директорнинг маънавий-маърифий ишлар
самарадорлигини ошириш, давлат тили тўғрисидаги қонун
хужжатларига риоя этилишини таъминлаш масалари
бўйича маслаҳатчиси |

Изоҳ: Комиссия аъзолари бошқа ишга ўтган тақдирда комиссия таркибига уларнинг
лавозимларига тайинланган шахслар ёхуд зиммасига тегишили функциялар
юкланган шахслар киритилади.

Президент таълим муассасалари агентлиги ва
Вазирлар Махкамаси ҳузуридаги Таълим
сифатини назорат қилиш давлат
инспекциясининг
2021 йил 22.09 даги
110 ва 27сон қарорига
3-ИЛОВА

**Президент таълим муассасалари агентлиги тизимидағи ижод мактаблари
рахбар кадрларининг салоҳияти, бошқарув маҳорати ва
ташаббускорлигини баҳолаш бўйича
ЭКСПЕРТ ГУРУХИ ТАРКИБИ**

- | | |
|--------------------|--|
| 1. Б.Тахиров | - Президент таълим муассасалари агентлиги директори ўринбосари, Эксперт гурухи раиси |
| Аъзолар: | |
| 2. Келишув асосида | - Таълим сифатини назорат қилиш давлат инспекцияси вакили |
| 3. А.Уббиев | - Президент мактаблари билан ишлаш бўлими бошлиғи |
| 4. С.Рахимова | - Ижод мактаблари билан ишлаш бўлими бошлиғи ўринбосари |
| 5. Х.Усмонов | - Ташкилий назорат ва мурожаатлар билан ишлаш бўлими бошлиғи |

Изоҳ: Эксперт гурухи аъзолари бошқа ишга ўтган тақдирда гурӯҳ таркибига уларнинг лавозимларига тайинланган шахслар ёхуд зиммасига тегишили функциялар юкланган шахслар киритилади.

Заруриятга кўра, эксперт гурӯҳи ишининг самарадорлигини ошириши учун унинг фаолиятига бошқа мутахассислар ҳам ясалб этилиши мумкин.

Президент таълим муассасалари агентлиги
ҳамда Вазирлар Маҳкамаси хузуридаги
Таълим сифатини назорат қилиш давлат
инспекциясининг
2021 йил 22.09 даги
110-22-сон қарорига
4-ИЛОВА

Президент таълим муассасалари агентлиги тизимидағи ижод мактаблари раҳбар
кадрларининг салоҳияти, бошқарув маҳорати ва ташаббускорлигини баҳолаш
натижалари юзасидан берилгандын мурожаатларни күриш чиқиши бўйича

АПЕЛЛЯЦИЯ КОМИССИЯСИ ТАРКИБИ

- | | |
|--------------------|--|
| 1. У.Мухаммадиев | - Президент таълим муассасалари агентлиги Юридик бўлим
бош юрисконсульти, Апелляция комиссияси раиси |
| Аъзолар: | |
| 2. Г.Ишимова | - Президент таълим муассасалари агентлиги Президенет
мактаблари билан ишлаш бўлими бошлиғи ўринбосари |
| 3. Х.Самандаров | - Президент таълим муассасалари агентлиги
Ихтисослаштирилган мактаблари билан ишлаш бўлими
бошлиғи |
| 4. Келишув асосида | - Таълим сифатини назорат қилиш давлат инспекцияси
вакили |
| 5. Келишув асосида | - Бандлик ва меҳнат муносабатлари вазирлиги вакили |

Изоҳ: Апелляция комиссияси аъзолари бошқа ишга ўтган тақдирда комиссия таркибига
уларнинг лавозимларига тайинланган шахслар ёхуд зиммасига тегишили
функциялар юкланган шахслар киритилади.